

Monday, June 2, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

WEATHER

Ruahsur nasa avanga chhiatna hrang hrang a thlen avangin Mizoramah zirna in te vawiin a ni 3-naah khar zui a ni.

Khawchin thlir lawktu State Meteorological Centre sawi danin vawiin hian Mizoram hmun hrang hrangah ruah a sur nasa leh dawn a, a bikin Lunglei, Lawngtlai leh Siaha-ah te ruah a tam tura rin a ni.

Khawchin thlir lawktute chuan hmun thenkhatah chuan thli leh ruah tam tham tak leh tek a tlak theih avangin mipuite chu fimkhur turin an chah a. Furpui chhunga ruahsur nasa leh thlipui tleh avanga chhiatna hrang hrang thleng thei laka an him theih na'n mipuite chu mahni in leh lo te thli leh ruah dawl thei turin a tul anga thawmtha tur leh rangva leh thil dang thlawk thei awmte hmun him lama senghawi turin an chah a, in hmunhma chhe thei mai te chu hmun him lam pan turin an chah bawk a ni.

Aizawl Traffic Police tarlan dan in zuangtui lei tlahniam chu a tlakhniam belh avangin Lirthei lian chi a tlan tlang theilo a, Thuampui ah Lirthei lian bik tan kawng dan a ni a, Nimin lama Temple to Vaivakawn inkar a kawng chhak atanga lei min a min vangin vawiin thleng in a thenfai hna la thawh mek a nih avangin kawng hi khar rih ani an ti a, Vaivakawn Zohnuai leiminna hmun chu tlahniam leh in LMV motor tan pawh kawng a tih nal avangin tlan a harsat tawh thu Aizawl Traffic chuan an sawi bawk.

Sr Superintendent of Police, Traffic, Aizawl Pu Ruatsanga Ralte chuan mipuite chu chhiatna pumpelh nan chhuak tam lo tur leh mahni in luma awm tam turin a chah a ni.

Byte of Pu Ruatsanga Ralte)

Vawiin khan Vaivakawn thlanmual bawr vel, Vaivakawn Zohnuaiah lei a che a, chhungkaw pasarih sawn chhuah niin Vaivakawn Zohnuaia lei hi hmun engemaw zatah thuk tak takin a khuar a ni.

Tunhnaia ruahsur nasa avanga Tlawng Lui a len avangin In luah lai 25 atangin bungrua thiar chhuah a ni a, Tlawng Lui lian hian Bairabi leh Hortoki khua a kuthnathawktute thlai huan (Nul) tam tak a chim pil tawh a, Tlawng Lui lian hian Bairabi North VC huam chhung hmun thenkhat a chim avangin nizan khan Bairabi Jt VC leh Jt YMA te hmalakna in chenna In 17 atangin bungrua thiar chhuah ani a, tukinah In 8 atangin bungrua thiar chhuah leh niin, bungrua an thiar chhuah te hi Relief Camp atana ruahman MAMSOL Pvt Industry Kudam ah dah a ni.



VIKSHIT KRISHI SANKALP ABHIYAN (VKSA)

Sorkar laipui ruahmanna hnuaia kalpui thla kalta May ni 29 atanga bultan Vikshit Krishi Sankalp Abhiyan (VKSA) Campaign chu Mizoram ah nasa taka ruah a sur chhunzawm zel avangin tih tawp lailawk a ni.

Tarlan tawh angin VKSA campaign ah hian hlawk zawka Buh leh Thlai thar chhuah anih theih nan kuthnathawktute chu an Lo leh Huan ah department hrang hranga thawk mithiamten kal chilh in, an hriat tur zirtir in, zawhna leh chhanna hun pawh buatsaih ani thin a,

Hmun dang angin Kolasib ah pawh kar kalta zirtawpni khan Kolasib DC Pu Robert C. Lalhmangaiha chuan Kolasib Venglai Bazar ah VKSA campaign hi hawngin, campaign a feh chhuak tur mithiamte chuanna Lirthei pathum vailiam in, VKSA campaign chu tluang taka nei turin duhsakna a hlan a, kuthnathawktute chu an thil hriat loh te mithiamte hnenah zawt hrehlo turin a chah a ni.

Ruahman dan chuan VKSA campaign hi tun June thla ni 12 thleng neih tur a tih ani a, khua in a zir tak loh avangin chhunzawm hun tur leh zawh hun tur sawi theih ani rih lo a ni.



RICE STOCK

Food, Civil Supplies & Consumer Affairs Department chuan tun dinhmunah buhfai chhek khawl a that avangin mipui tan manganna tur a awm lo niin an sawi.

FCS & CA Department hian thu chhuah siamin Kumin 2025 furpui lo thleng mekah ruah tui nasa takin a tla mek a, Mizoram chhungah chhiatna leh harsatna a thleng mek a a ni an ti a. Hmun tam takah kawngpui a min a, kawng chhuat bal engemawzat a awm thu an sawi baw. He tih lai hian FCS & CA chuan tun dinhmunah buhfai chhek khawl dinhmun a tha a, manganna tur a awm lo a ni tih mipui a hriattir a. Fur lai a tlawh pawh that theih loh khua-ah bufai chungchangah thlaphanna tur a awm lo a ni tih mipuite a hriattir a. FCS & CA Department chuan fur avanga mipuiin buhfai an tlakchham lohna turin theihtawp a chhuah zel dawn niin an thuchhuahah chuan an tarlang baw.



PM MODI

Prime Minister Narendra Modi leh Paraguay President Santiago Pena Palacios chu vawiin khan New Delhi ah inkawmin ram 2 te thawh dunna tur hrang hrang an sawi dun.

Paraguay President hian ni 3 cham turin India hi a lo tlawh a ni. External Affairs Minister Dr S Jaishankar pawh hmu in, Presudent Droupadi Murmu leh Vice President Jagdeep Dhankar te pawh a hmu dawn a ni. Paraguay President hian an ram a let hma in nilaini hian Mumbai a tlawh dawn a, hetah hian Political Party hruaitute, sumdawnna leh thilsiam chhuahna hmun hrang hrang a hruaitute a hmu dawn a, India leh Paraguay hi kum 1961 khan an lo thawk dun tawh a, ram pahnih hruaitute hian ram in hma a sawn dan tur hrang hrang te an sawi dun a, Paraguay ah hian damdawi lam leh thil dang siam chhuahna India hian a bun dawn bakah Paraguay pawh in India ah thil siam chhuahna hmun hrang hrang a bun ve dawn a ni.

